

Bangg-Ghaimnis 2017



Es fliegt der Picard mit "Solarimpuls" um d'Wält.
Obwohl's kai Moscht bruucht het, koscht's glych e bitzli Gäld.
Doch het sich's glohnt, denn s'het sich zaigt, ass es kai Froog isch,
ass me ka spaarsam sy und erscht no ökologisch.
Es gratuliert d'Frau Leuthard drum so energiebewusst wie's goht:
Sie fliegt uff Abu Dhabi mit em Jet vom Bundesroot.



Gsehsch du e griene Strich doo z'Basel uff're Stross,
denn waisch: "Aha, doo hindedraa isch öppis los".
Au s'griene Piktogramm: E Ladärne und e Frau,
verdüttligt das, wo doo passiert, so zimmlig genau.
Will Basel aber root-grien isch, jä dorum rätsle mir...:
Dasch numme für die Grüene - Wo het denn d'SP ihr Revier ?



Sie sin us Holland, Island, Serbie und Italie,
sie sin us Schwede, Öschtrych, Dänemark, Auschtralie.
us Argentinie, Ägypte, Paraguay,
us Kolumbie, Côte d'Ivoire und Münchestei
Gmeint sinn do nid d'Flüchtling, die wo schwümme uff em See:
Nai, vo dert här kemme d'Spieler vo unsrem FCB.



S'beklagt sich d'Merkel zimmlig dyttlig bym Obama:
Dass jetz däa Trump am Rueder isch, dass syg e Drama.
Dass syg fir d'Zuekunft vo de Schwoobe ganz e Lätze.
Me chönn mit däm jo sicher nid vernünfftig schwätze.
"Angie", git der Barack denn zur Antwort kurz und barsch:
"Dy Grind, passt doch in jeede US-Präsidente-(Aaaaa...)"



S'hett e-n-Erfinder öppis ganz Genials probiert:
Är het e GPS-Rollator konstruiert.
Das Ganze het sich aber schliesslig nid bewährt.
Är het ys au der Grund derfür genau erklärt:
Dä heb die alte Lyt zum Friedhoof gfiehart, öb's schön isch oder saicht,
und heb denn immer gmaint: ("Sie haben nun ihr Ziel erreicht!")



Wenn me vo Oestrych schwätzt, denn muess me mängisch lache.
Me maint au öppedie, die syge nid ganz bache
S'gitt über d'Oestrycher au jeedi Mängi Witz;
Jä, mängisch duure-n-ys die Arme fascht e bitz.
Mir glaube, ass die s'Ärnscht-gnoh-wärde doch no dien erlääbe:
Sie hänn scho mol e Brief-Couvert erfunde, wo duet klääbe.



Es isch halt immer wieder ganz e diggi Sach
Esoo-n-e Fahrt mit ere Fähri übere Bach.
Doch kha me froh sy, wenn me ääne guet duet lande.
Im Herbst isch d'Dalbe-Fähri nämmelig zwai Mool gstande.
S'het wäg der Fiehrigsrolle s'Saili s'Boot nimm kenne wyter zieh.
Jä mit der Fiehrigsrolle het der Baschi Dürr glaub au bitz Mieh



S'duet im Momänt sich d'Diskussion um s'Thema drülle:
Wie wyt e Moslem-Frau by uns sich darf verhülle.
Soll sich e Frau total verpacke, wenn sie wott,
oder bruucht me doch s'Verschleierigs-Verbott.
Mir mache däre Diskussion jetz definitiv e-n- Änd:
Mir sage düttlig: Burka joo ! - Aber numme transparent !!!



S'hänn Teil Parteie mit der Mitgliedszahl Probleem.
Es fählt an Neu-Mitglieder, - dr Mensch isch halt bequeem.
S'wott sich bald niemmer meh politisch engagiere.
Drum isch es schwierig, neu Members z'rekrutiere.
Ei Leesigs-Aasatz vom Problem, das het me kirzlig gseh:
Es macht der Darbellay bym Fremdgoh Nochwuggs für sy CVP
(mit yynestäche ummeschloo duurezieh und aabeloo)



Unsri Poscht - (Yeah!) - das sinn für uns die Greschte.
Die dien jetz neu so-ne Paket-Roboter teschte.
Dä fahrt mit GPS dur d'Gegend , ganz allei,
und bringt s'Zalando-Päggli sicher zu dir hei.
Für d'Huusfrau, wo deheime hoggt, isch's allerdings kai Schlägg:
Jetz nämme s're nach em Milchmaa au der Pöschtlar no ewägg !



Wenn zwai sich "griezi" saage, gän sich baidi d'Hand.
Soo isch das Bruuch by uns, und zwar im ganze Land.
Nur in der Schuel in Thärwil duet me wie-ne Sau:
"Jä spinned Ihr, mir gänn doch d'Hand nid ere Frau !"
Das syg verbotte, lut Koran, au wenn me's fascht nid glaubt.
Nur wenn me d'Frau sexuell begrapscht - denn syg das schynts erlaubt.



Syt em Neyjoor isch's klar! - Mir vier, mir sinn entsetzt,
Me het em Bangg-Ghaimnis der Todesstoss versetzt.
Das Ganze stinggt ys grad e bitz, drum gehn mir hai,
und singe morn denn unsre Bangg in Liechtestai...
(Tschau zämme...)